



Confederación Hidrográfica del Miño-Sil Comisaría de Aguas Ourense

Anuncio

Expediente: A/32/04193

De acuerdo con lo previsto en el artículo 116 del Reglamento de Dominio Público Hidráulico, aprobado por el Real Decreto 849/1986, de 11 de abril (BOE del día 30), se publica, para general conocimiento, que por resolución de la Confederación Hidrográfica del Miño-Sil, de fecha 20 de noviembre de 2015, y como resultado del expediente incoado al efecto, le ha sido otorgada a Javier Fernández Delgado la oportuna concesión para aprovechamiento de 0,693 l/s de agua a derivar del río Sil en A Barxa, término municipal de O Barco de Valdeorras (Ourense), con destino a riego.

El jefe del servicio. Fdo.: José Alonso Sejas.

R. 4.240

IV. ENTIDADES LOCAIS IV. ENTIDADES LOCALES

Amoeiro

Anuncio

Ao non presentaren reclamacións á aprobación provisional da modificación da Ordenanza fiscal sobre abastecemento municipal, polo acordo do Pleno do Concello de Amoeiro, na sesión ordinaria realizada o día 10 de setembro de 2015, considérase definitivamente aprobado o dito acordo.

En cumprimento do disposto no artigo 17.4 do Real decreto lexislativo 2/2004, do 5 de marzo, polo que se aproba o Texto refundido da Lei reguladora das facendas locais, publícase o texto íntegro da modificación, que literalmente establece que:

“a. Eliminación do incremento de custo do prezo nos usos industriais:

O custo da auga procedente do sistema de abastecemento municipal que é consumida en usos industriais e gandeiros, calcularase utilizando como única referencia o primeiro treito que figure estipulado na ordenanza fiscal correspondente.

b. Sancions para os casos de enganche ilegal:

As conexións ilegais ou sen contador ao sistema de abasteceamento público de auga consideraranse como falta grave, e serán sancionados co corte inmediato de suministración e cunha multa de 1.000 euros.”

Amoeiro, 4 de decembro de 2015. O alcalde.

Anuncio

Al no presentarse reclamaciones a la aprobación provisional de la modificación de la Ordenanza Fiscal sobre Abastecimiento Municipal, por el acuerdo do Pleno del Ayuntamiento de Amoeiro, en la sesión ordinaria celebrada el día 10 de septiembre de 2015, se considera definitivamente aprobado dicho acuerdo.

En cumplimiento de lo dispuesto en el artículo 17.4 del Real Decreto Legislativo 2/2004, de 5 de marzo, por el que se aprueba el Texto Refundido de la Ley Reguladora de las Haciendas Locales, se publica el texto íntegro de la modificación, que literalmente establece que:

“a. Eliminación del incremento del coste del precio en los usos industriales:

El coste del agua procedente del sistema de abastecimiento municipal que es consumida en usos industriales y ganaderos, se calculará utilizando como única referencia el primer tramo que figure estipulado en la ordenanza fiscal correspondiente.

b. Sanciones para los casos de enganche ilegal:

Las conexiones ilegales o sin contador al sistema de abastecimiento público de agua se considerarán como falta grave, y serán sancionados con el corte inmediato de suministración y con una multa de 1.000 euros.”

Amoeiro, 4 de diciembre de 2015. El alcalde.

R. 4.338

Amoeiro

Anuncio

Unha vez elevado a definitivo o acordo do Pleno con data do 10/09/2015, apróbase definitivamente a Ordenanza municipal reguladora da xestión da biomasa e das distancias mínimas das plantacións do Concello de Amoeiro, publicándose o seu texto íntegro:

Exposición de motivos

De conformidade coa potestade regulamentaria atribuída polos artigos 4.1 da Lei 7/1985, do 2 de abril, reguladora do réxime local, 6.1 da Lei 5/1997, do 22 de xullo, reguladora da Administración local de Galicia, o Concello de Amoeiro, por medio desta ordenanza propone a regulación da xestión da biomasa e da distancia das plantacións, no solo urbano e de núcleo rural, no ámbito das súas competencias co obxecto de conseguir as axeitadas condicións de salubridade e seguridade para previr e evitar os incendios, protexendo destes as infraestruturas e equipamentos sociais e as zonas edificadas.

Capítulo 1.- Disposiciones xerais

Artigo 1.- Fundamento

Esta ordenanza é de aplicación no marco do disposto na Lei 7/2012, do 28 de xuño, de montes de Galicia, na Lei 3/2007, do 9 de abril, de prevención e defensa contra os incendios forestais de Galicia e tamén na Lei 9/2002, do 30 de decembro, de ordenación urbanística e protección do medio rural de Galicia e o Decreto 28/1999, polo que se aproba o Regulamento de disciplina urbanística.

Artigo 2- Finalidade

Esta ordenanza ten natureza non fiscal, e a súa finalidade é establecer as condicións para levar adiante a xestión da biomasa e a fixación das distancias para plantacións nos terreos clasificados como urbanos, e de núcleo rural situados no termo municipal de Amoeiro.

Artigo 3.- Ámbito de aplicación

Esta ordenanza é de obrigado cumprimento para as persoas responsables conforme ao definido no artigo 4, que teñan o seus terreos dentro do termo municipal de Amoeiro.

Conforme o disposto no artigo 4.2 da Lei 5/1997, do 22 de xullo, reguladora da administración local de Galicia, esta ordenanza será de aplicación en todo o non previsto pola legislación básica.

Artigo 4.- Pessoas responsables

Para os efectos desta ordenanza, entenderase como persoas responsables ás persoas titulares ou, se é o caso, aos titulares do dereito de aproveitamento sobre os terreos urbanos, e de núcleo rural, así como as administracións, as entidades ou as sociedades que teñan encomendada a competencia sobre a xestión, ou cedida esta en virtude dalgunha das formas previstas legalmente, das vías de comunicación e das liñas de



transporte de enerxía eléctrica, sobre os tipos de solo referidos anteriormente.

Artigo 5.- Definicións

Para os efectos desta ordenanza, defínense os seguintes termos:

Solo urbano: terreos que o planeamento urbanístico (Normas Subsidiarias de Planeamento) tivera definido e clasificado como tal en virtude do disposto no artigo 11 da Lei 9/2002.

Núcleos rurais: terreos que se inclúan dentro dos núcleos rurais delimitados no planeamento municipal, de conformidade co disposto no artigo 13 da Lei 9/2002.

Solo urbano delimitado: terreos que non tendo a condición de solo urbano, de núcleo rural nin de solo rústico o planeamento urbanístico tivese definido e clasificado como tal ao poder ser obxecto de transformación urbanística nos termos fixados no artigo 14 da antedita Lei 9/2002.

Xestión da biomasa: a creación e mantemento da descontinuidade horizontal e vertical da carga de combustible, a través do control ou eliminación parcial ou total da biomasa vexetal por medio do emprego das técnicas más recomendadas e coa intensidade e frecuencia para o cumprimento do obxecto previsto nesta ordenanza. Tendo en conta que os terreos situados en solo urbano, de núcleo rural ou urbanizable delimitado teñen unha natureza residencial ou habitacional, polo que os riscos para os bens e as persoas, por motivos de incendios de vexetación, deben minorarse drasticamente e primar a seguridade.

Capítulo II.- Da xestión da biomasa

Artigo 6.- Xestión da biomasa

As persoas responsables terán a obriga de xestionar a biomasa dos predios incluídos en solo urbano ou de núcleo rural conforme aos criterios establecidos nesta ordenanza, así como manterlas nas debidas condicións de seguridade e salubridade, debendo proceder á súa desinfección e desratización periódica.

Artigo 7.- Criterios de xestión da biomasa

1- Consonte ao disposto na Lei 3/2007 de prevención e defensa contra os incendios forestais de Galicia, as persoas responsables dos terreos situados en solo urbano ou núcleo rural deberán acometer os criterios de xestión da biomasa establecidos neste artigo para cada clase de terreo, en todo caso, antes do 30 de xuño de cada ano.

2- Nos terreos clasificados como solo urbano e solo de núcleo rural, as persoas responsables deberán facer a xestión da biomasa na totalidade da parcela conforme aos seguintes criterios:

a) Roza para a eliminación do estrato herbáceo e arbustivo sempre que supoña un mínimo risco para a propagación dos incendios incontrolados de vexetación.

b) Poda e rareo do estrato arbóreo de forma que se manteña una descontinuidade horizontal entre as copas das árbores e vertical entre estas e os estratos herbáceo e arbustivo. Este criterio non serán aplicable en parques e xardíns municipais, árbores senlleiras ou aquelas que cumpran funcións ornamentais ou se atopen illadas e non supoñan un mínimo risco para a propagación de incendios incontrolados de vexetación.

3- Nos espazos previamente definidos como redes secundarias de faixas de xestión de biomasa nos plans municipais de prevención e defensa contra os incendios forestais, será obligatorio para as persoas responsables, nos termos establecidos no artigo 21 ter da Lei 3/2007 de prevención e defensa contra os incendios forestais de Galicia, xestionar a biomasa vexetal nunha franxa de 50 metros perimetral ao solo urbano e de núcleo rural, así como arredor de edificacións, vivendas illadas e urbanizacións, depósitos de lixo, parques e instalacións industriais, situadas a menos de 400 metros do monte, de acordo cos criterios para a xestión de

biomasa estipulados na Lei 3/2007 de prevención e defensa contra os incendios forestais de Galicia e na súa normativa de desenvolvemento.

Ademais, nos primeiros 30 metros non poderá haber as especies sinaladas na disposición adicional terceira da Lei 3/2007, que se recollen no anexo 1 desta ordenanza. As distancias mediranse desde o límite do solo urbano ou núcleo rural, de ser o caso. As distancias no caso de edificacións, vivendas illadas ou urbanizacións mediranse desde o seu paramento. No caso de depósitos de lixo, parques e instalacións industriais, mediranse desde o límite das instalacións.

No caso de címpings, gasolineiras e industrias en que se desenvolvan actividades perigosas consonte o establecido na Lei 1/1995, do 2 de xaneiro, de protección ambiental de Galicia, e na súa normativa de desenvolvemento, as distancias para as especies sinaladas na disposición adicional terceira da Lei 3/2007 serán de 50 metros, desde o límite das instalacións. No caso dos címpings, esta distancia medirase desde o peche perimetral.

4- Tal e como establece a disposición transitoria terceira da Lei 3/2007 de prevención e defensa contra os incendios forestais, mentres non se definan as redes secundarias de faixas de xestión da biomasa nos plans municipais de prevención e defensa contra os incendios forestais, serán directamente aplicables as obrigas derivadas do disposto no artigo 21 da lei, descritas no punto 3 deste artigo.

Artigo 8.- Execución subsidiaria

Se as persoas responsables non realizasen os traballos de xestión da biomasa nos prazos fixados polo concello, este poderá levalos adiante, logo do previo apercibimento en forma e sen prexuízo da imposición, previo á tramitación do oportuno expediente, das sancións procedentes.

Os custos derivados deses traballos serán repercutidos, se é o caso, ás persoas responsables, procedendo, de ser o caso, ao cobro dos gastos que se ocasionen ao concello a través do procedemento de conxinximento.

Capítulo III.- Das distancias das plantacións

Artigo 9.- Prohibicións e distancias das repoboacións forestais e plantacións

1- De conformidade co disposto na Lei 7/2012 de montes, quedan prohibidas as repoboacións forestais nos terreos clasificados como solo urbano e de núcleo rural.

2- Se é o caso as repoboacións forestais preexistentes antes da entrada en vigor da Lei 7/2010, de montes, deberán adecuarse para gardar, respecto das edificacións, vivendas illadas, pozos e instalacións industriais, a distancia mínima de 15 metros cando se trate de especies frondosas (anexo II desta ordenanza), e de 30 metros no resto de especies, tal e como establece a Lei 7/2012 de montes de Galicia.

3- Nos supostos de plantacións de árbores froiteiras, sebes ou árbores ornamentais, as distancias serán as fixadas na correspondente ordenanza urbanística deste concello, e de non existiren serán as fixadas pola normativa que resulte de aplicación.

Artigo 10.- Licenzas e permisos para cortas

1- As cortas e os abatimentos de árbores que constitúan masa arbórea, espazo boscoso, arboredo ou parque en solo urbano e núcleo rural estarán suxeitas á obtención da previa licenza municipal por parte deste concello.

2- Así mesmo, segundo o establecido na disposición transitoria 5ª da Lei 7/2012 de montes, o aproveitamento das masas forestais existentes no momento da entrada en vigor da Lei 7/2012 en solos urbanizables delimitados estará sometido ao réxime de autorizacións da citada lei ata o desenvolvemento urbanístico dos citados solos, momento en que precisarán da licenza municipal descrita no punto 1 deste artigo.



Capítulo IV.- Régime sancionador

Artigo 11.- Competencia

Correspónelle ao Concello de Amoeiro a través da Alcaldía ou concelleiro no que delegue, a inspección e sanción das infraccións, previa a instrución do correspondente expediente, das abrigas reguladas nesta ordenanza.

Cando se detecten infraccións de índole penal ou de competencia doutras administracións darase conta inmediata destas á autoridade ou organismo que corresponda.

Artigo 12.- Clasificación das infraccións

Considéranse infraccións administrativas en relación coas materias ás que se refire esta ordenanza, os actos ou omisións que contraveñan o establecido nas normas que integran o seu contido.

As infraccións clasifícanse en leves, graves e moi graves.

Artigo 13.- Infraccións leves

a) Constitúe infracción leve as condutas constitutivas de infracción reguladas nesta ordenanza cando non deban cualificarse como graves ou moi graves.

b) Non proceder á xestión da biomasa cos criterios regulados nesta ordenanza.

Artigo 14.- Infraccións graves

a) Non proceder á xestión da biomasa cos criterios establecidos nesta ordenanza, unha vez notificada a súa obriga e despois de serlle notificada a valoración do custo destas, cando exista risco inminente de incendio para as vivendas e persoas.

b) Non permitir o acceso ao persoal de vixilancia a inspección dos terreos.

c) A negativa a subministrar información á autoridade municipal, funcionarios e axentes en cumprimento das súas funcións.

d) A realización de plantacións sen gardar as distancias establecidas nesta ordenanza.

e) A realización de plantacións nos lugares expresamente prohibidos nesta ordenanza.

f) A reincidencia en infraccións leves. Enténdese que existe reincidencia pola comisión no termo dun ano dunha infracción leve, cando así fose declarado por resolución firme.

Artigo 15.- Infraccións moi graves

a) Cando houbese grave repercusión nos recursos naturais.

b) A reincidencia en infraccións graves. Enténdese que existe reincidencia pola comisión no termo dun ano dunha infracción grave, cando así fose declarado por resolución firme.

c) A resistencia, coacción ou ameaza á autoridade municipal, funcionarios e axentes.

Artigo 16.- Sancións

1. As sancións aplicables serán as seguintes:

a) Por infraccións leves, multa dende 100 a 600 euros.

b) Por infraccións graves, multa dende 601 a 1.500 euros.

c) Por infraccións moi graves, multa de 1.501 a 3.000 euros.

2. As sancións graduaranse en función dos seguintes criterios:

a) Grao de intencionalidade.

b) Contía do beneficio obtido.

c) Natureza dos prexuízos causados.

Disposición adicional

Como anexo I a esta ordenanza inclúese a relación de especies non permitidas nas redes secundarias de xestión de biomasa, recollidas da disposición adicional 3ª da Lei 3/2007 de preventión e defensa contra os incendios forestais e como anexo II a relación de especies de frondosas, recollidas do anexo 1 da Lei 7/2012 de montes de Galicia.

Anexo I. Relación de especies non permitidas nas redes secundarias de xestión da biomasa:

Piñeiro do país, piñeiro silvestre, piñeiro de Monterrei, piñeiro de Oregon, mimosa, acacia negra, eucalipto, queiruga, carneixa, xesta, carpaza, piorno, fento, silva e toxo.

Anexo II. Relación de especies de frondosas:

Ameneiro, pradairo, bideiro, freixo, castiñeiro, cerdeira, carballo, cerquiño, sobreira, carballo albar, aciñeira, abeleira, faia, umeiro, loureiro, sorbeira do monte, capudre, nogueira e érbedo.

Disposición transitoria

As plantacións forestais existentes á entrada en vigor desta ordenanza que, como consecuencia da súa aplicación, se atoparan a unha distancia menor á regulada no seu artigo 7, disporán dun período máximo de dous anos para adaptarse á citada disposición, agás autorización do órgano competente da Xunta de Galicia en materia forestal.

Disposición derogatoria

Quedan derogadas todas as disposicións municipais que contraveñan o disposto nesta ordenanza.

Disposición derradeira

Esta ordenanza entrará en vigor no día da súa publicación no Boletín Oficial da Provincia.

Amoeiro, 4 de decembro de 2015. O alcalde.

Anuncio

Una vez elevado a definitivo el acuerdo del Pleno de fecha de 10/09/2015, se aprueba definitivamente la Ordenanza Municipal Reguladora de la Gestión de la Biomasa y de las Distancias Mínimas de las Plantaciones del Ayuntamiento de Amoeiro, publicándose su texto íntegro:

Exposición de motivos

De conformidad con la potestad reglamentaria atribuida por los artículos 4.1 de la Ley 7/1985, de 2 de abril, Reguladora del Régimen Local, 6.1 de la Ley 5/1997, de 22 de julio, Reguladora de la Administración Local de Galicia, el Ayuntamiento de Amoeiro, por medio de la presente ordenanza, se propone la regulación de la gestión de la biomasa y de la distancia de las plantaciones, en el suelo urbano y de núcleo rural, en el ámbito de sus competencias, con el objeto de conseguir las idóneas condiciones de salubridad y seguridad para prevenir y evitar los incendios, protegiendo de estos las infraestructuras y equipamientos sociales y las zonas edificadas.

Capítulo 1.- Disposiciones generales

Artículo 1.- Fundamento

La presente ordenanza es de aplicación en el marco de lo dispuesto en la Ley 7/2012, de 28 de junio, de Montes de Galicia, en la Ley 3/2007, de 9 de abril, de Prevención y Defensa contra los Incendios Forestales de Galicia y también en la Ley 9/2002, de 30 de diciembre, de Ordenación Urbanística y Protección del Medio Rural de Galicia y el Decreto 28/1999, por el que se aprueba el Reglamento de Disciplina Urbanística.

Artículo 2.- Finalidad

Esta ordenanza tiene naturaleza no fiscal, y su finalidad es establecer las condiciones para llevar adelante la gestión de la biomasa y la fijación de las distancias para plantaciones en los terrenos clasificados como urbanos, y de núcleo rural situados en el término municipal de Amoeiro.

Artículo 3.- Ámbito de aplicación

La presente ordenanza es de obligado cumplimiento para las personas responsables conforme a lo definido en el artículo 4, que tengan sus terrenos dentro del término municipal de Amoeiro.

Conforme lo dispuesto en el artículo 4.2 de la Ley 5/1997, de 22 de julio, Reguladora de la Administración Local de Galicia, la presente ordenanza será de aplicación en todo lo no previsto por la legislación básica.